

JUDAS NAAJIONEE

Judas naajiosano Pueyaso saquiriojosano pueyacua

¹Janiyari Judasni, Jesucristo seru, Jacobo tarajanu. Niaacuara naajianijia canapute pa Que Pueyaso panishano muerasucujani. Nojuajanaari nia saquiriojoquiaari nera nia quiniuria. Niajaniyari Neyanu Jesucristo cojuasano, nia rupesacari nojuaja. ²Pueyaso cuaara nia jiuujiaaria. Cuaara nioojia cajitiirijahuaj. Cuaara paniiria niajanijahuaj. Pueyaso cuaara naa miiria jiyanohua niajanijatej.

Sapojonuujuacajiniji pohuatasano

³Cua panishano pueyanaa, janiyari niaacuara naajionu paniriquiaa jiyanohuani, cua pohuatanura niajanijia taa maninia pa miishaanutaniyani, Pueyaso saquiriojosano pueya pa quiniuucua: niajanijia, canaajuhuj. Saniniuujia, quiarijiani, socua maninia cutaraari cua naajionura niaacuara, cua nacasunura niajanijia seetenujanaa Pueyaso tojjijaca nia quiniuria. Jiyanohua nia tiuuri pueyaracaanu Pueyaso rupaacua, cumueeca Pueyaso pueya nia quiniuria. Pueyasocujaaari na rupaa pohuataniquiaari maninia pa niquiara. Maja cumaati na jatanishaanu. Cuaara pueyaracaanu maninia pohuata-saaria, taa pa pohuatasaaquiaaricuaani. ⁴Naa nia sequeyanijia Pueyaso requeute-jaca supesacari jiyasohua nia tajinia.

Tariucuacaanu Pueyaso Rupaajiniacua-jaari cuno sesoriquia pueyajiniji naajiotasaaquiaaricuaaja. Nojoriniaari quejoosaanutaniya pueyaracaanu saniitosocoriquiano. Nojoriiri sequequiaa: “Shuquiriaatia juhuajaniya pa miiri tama pa cuaqueya miiniu panishanojuaja, pa jiyanoojia Pueyaso quishacari. Paa jaara sesa miirini, naajaa, majaari Pueyaso saniitionu quiniutianiya pajaniya”. Nojoriiri naa sequetuquiaa sesatej. Nojoriiri pa Jiitianajanaa jiyatequiaa juhua saniitioyashijia, pa Jiyaniijijanaa Jesucristoni.

⁵Niaari niishiyacuaja, Pueyasoori Israel pueya supuetanaa mashiquiquiaari Egipto jiyajiniji, Egipto pueya seya nojori quishacari. Socua nia niishitiorohuaraj. Na nuhuaji, Pueyasoori na pueyajinijinio nocua tiuyashijia puecooquiaari. ⁶Naajuhuj, Pueyasoori tama na seyajaa-ja nuuatejoquiaari na nuuatejojuajinia, noo pojori canapute na shuriucua quijiaa quiquiaari jiyocuacaanucujani. Nojoriiri Pueyasora na poonijosano tiujiaquiaari. Nojori poonijosasqui tiujiatuquiaariiaarihuaj. Cunora, cumayocuata morojosaaquiaariiri, pueyaracaanu ninishiqui nojori quiniuria, cuaara quirijiaatijia Pueyaso saniitiojonu juuca cutara. Cuno juuca, Pueyasoori puetunu na tojiyashijiacajanaa saniitiojo-nutaniya. ⁷Nia niishirijihua Sodoma* tiacajinia quijia pueya, Gomorra tiacajinia quijia pueyano, nojori tiaca

shocua quiniaa pueyajuhua. Puetunu nojorijianaari maninia miiniu ruureta-quiaari tama nojori cuaqueya panishanojuaaja nojori miiniuria, jiyanhua sacuraatia. Nojoriiri maajishuriu numuetucujuaa quiquiaari. Cayashuriuuri narta maaji numuetucujuaa quiquiaarijuhuaj. Pueyasoori maja na shipininiu quiquiaari naa pueya quiniuriatej. Naa Pueyaso tojiyashijiaca nojori quishacaritij, mariyata taa tama Pueyaso seyajaaja na tojiyashijiaca quiquiaaricuaani, Pueyasoori nojori quejooquiaari mani quiquiojinia, tii naquiya nojori miishaanura pueyaracaanu. Naa nojori saniitiosaanuucuaatej, cunoori quiquiaari puetunu pueyajanana niishiniuria maja Pueyaso tojiyashijiaca pa quiniuria taa nojori quiquiaaricuaani.

⁸Cuno pojori, sacuraatia niishitiojonaa nia tajinia quiyani, nojoricuajaari Pueyaso saniitionujiniji niishiya. Naajaa, nojoriiri juhuajaniya miiquiaa puetunu sesajanaa taa noojiajinia nojori niishiya-cuajani. Nojoriiri tama nojori jiuujiacajaaja curuushoquiaa nojori miishacari tama nojori niquishanojuaaja na maquenujinia. Pa Jiyaniijia sootiuya-jaarijuhuaj. Nojoriiri jiyanhua cumaacaraca quijiaca sesacaquiaajuhua, jiyocuacaanu quijiacani. ⁹Supuetana Moisés shaajesacari, Pueyasoori na seya jiyaniijia Miguel jiyaroquiaari Moisés quete na jamonura. Sesaacaari Moisés quete paniquiaari juucua. Nocua Miguelta juayonuutaquiaariiri. Miguel cutaraari seetanujuanaa cumaacaraca quijia. Naajaa, majaari na saarijionu quiquiaari Sesaaca. Na sequeree saajaari: “Pueyasojuanaa cuaara juaria cutara quiajanaya”. ¹⁰Saniniuuja cuno sesa niishitiojonaa nia tajinia quiyani, nojoriiri na niishishoo cumaacaraca casaa sesacaquiaa. Najuhua, nojoriiri tama nojori cuaqueyajaaja sesoquiaa sesa na

miishanota, taa nacujiniaacoji casaa miiquiaa sesa juhuajaniyacuaani, maja na niishiniutia. Naaratej, nojoriiri saniitiosocoriquiano puetunurajanaa.

¹¹Nojoriiri jiyanhua cocuaatia miiquioquiaa. Nojoriiri narta pueya niquiniu paniyaquiquiaa, taa supuetana Cafn niquiniu paniyaquiquiaari tarajanucuaani. Nojoriiri sesa pueya timitiquiaa casamiriaca nojori quiniuriajuhuaj, naatej, taa supuetana Balaam* miiniu paniquiaari juucuaacuani. Nojoriiri mariyata puetunu quejoosaanutaniyajanana nojori ruuretanuucua Pueyaso, taa supuetana Coré* cusoquiaaricuaani na ruuretasacari Moisés. ¹²Nia queranacacari Pueyaso niquiara nia panitioonuta, cuno sacuraatia niishitiojonuujaacari jiyanhua cararaatia nojori miaquesacari niaata. Majaari nojori paniniu tamasaca. Nojoriiri saaja tama na cuaqueyajaaja shuquiritiniu niishijiaca. Puera miaquenuujuaca nojori quishacari, cunoori cararaatia. Jiyano pueyari maja na cumaquiniu njajaniya. Nojoriiri najuhua-na quijiaca, juhua niquitioocuaari tajimiaquiaa paratu piyarojosacari. Majaari maru ninu. Nojoriiri najuhua quiya, juhua muetuhuo naana. Nojoriiri tariucua macu Pueyasora, naatej taa naana sorenocuaani, juhua puetunu na nujuacatajanaa majaratasano. ¹³Nojori nuhuaji, pueyari saaja taraatia quiquiaa, cararaatia nojori miishanojiniji. Sesa nojori miishanoori juhua jiyanhua shoniniacu caminia queyocuasacari cushau, curuutuua. Nojoriiri shanhua niquishiya rupaquijia, juhua rijia tiyano. Na nuhuaji, nojoriiri ninishiqui quiniutianiya pueyaracaanu Pueyasooju. ¹⁴Pa supuetana Adánri coteenujuanaa shipinishano pueyano quiquiaari mijiria. Enocri séptimo jiyaniijia quiquiaari Adán nuhuaji. Enocri Pueyaso niquitishano nojuaja pohuataquiaari taa nio sesa

miijiaa pueya miishaanutaniyani. Nojuajaari naa sequequiaariti: “Janiyari Jiyaniijia niquiri cunocoji niyano jiyanhua queraatia na pueyatani.¹⁵ Nijioriquiaari sesa miijiaa na saniitio-nura. Rerequetejacaacua tiutianutaniya puetunu sesa nojori miishanojuanaari. Puetunu na soojeacajanaari saniitosaa-nutaniya puetunu nojori sesacanuucujanaa pa Jiyaniijia”.¹⁶ Cuno sesa niishitiojonuujacaari naa miiquiquiaa nia tajinia. Nojoriiri saa juayonuutaquiajaa. Majaari shuquiriaa-tia nojori quiniu quiquiaa na jiitiasanota. Nojoriiri tama na cuaqueya panishano-juaaja miiquiaa. Puera pocujaca quiyajaarihuaj. Nojoriiri na sapojonuta maniniuhuaqueetaquiaa narta pueya, maninia nojori miishaanura. Majaari naa nia quiniu pueyanaa.

Pueyasos pueyara rootasano

¹⁷Cua panishano pueyanaa, nia niishiriohua pa Jiyaniijia Jesucristo jiyaramiquishano pueya sequesano niajaniya.¹⁸ Nojoricuajaari nia pohuata-quiaari taate quera jiya puequesacari quiniutianiyani. Nojoriiri naa sequetu-quiaariti: “Quera jiya puequesacari, Pueyasos sesacajaca pueyari Pueyasos casaa soojeaca quiniutianiya, na rupaa sojeacaju-huaj. Nojoriiri sesa miiniutianiya tama nojori cuaqueyajaaja nojori shuquiritini-ria”.¹⁹ Naa cuno pueya miiniucuatej, nojoriiri Pueyasos muerasu jiuujia niyaquejotequiaa maja rupetoosano nojori quiniuria. Nojoriiri saaja tama sesa nojori niishishano miiquiaajaacujua, Pueyasos Sohuanuuj nojori quishacari.

²⁰Cua panishano Pueyasos muerasunaa, Jesucristo rupaacua nia tiuuri jiyanhua socua, seetanujanaa na pueya nia quiniuria maninia. Pueyasos nia secojore Pueyasos Sohuanuucumata.²¹ Naacuajiti, niocua Pueyasos panishano pueya quiri

pueyaracaanu. Juhujaniya nia sashiri pa Jiyaniijia Jesucristo, nojuaja cuaara pueyaracaanu quijiacara pa jiyaterejaati-jia, shuquiriaatia pa quiniuria na shuriucua pueyaracaanu. Naa pa miiniutianiyari maninia jiyanoojia na quiniucua.

²²Canapue te pa Jiyaniijiaacuaji taacanuyajaani, nojori nia niishitiojore jacaria, seetanujanaa nojori tiuuniuria maninia pa Jiyaniijiaacuajia.²³ Tamasaca nia piriyojorejuhuaj Pueyasos pueya nojori quiniuria, nojori mariqui manijinia puetunu quejoosaarejanaari. Tamasacaari jiyanhua sesa miijiaa. Naajaa, nojori nia naacure, Jesucristo nojori niishiniu-riajuhuaj. Saniniuujia, tama nia cuaqueyajaaja jiyanhua nia cojuare niaa mariqui sesa miitishaarejaarihuaj nia cojishacari nojori. Jiyano pueyacua nia taraajere. Saniniuujia, puetunu sesa nojori miishanojuanaa nia soore cutara.

Naajio puequesacari Pueyasos maniniuhuaqueetasana

²⁴Pa Que Pueyasosori pa cojuaquiaa maja pa catenura nocuaji. Nojuacuajaari cumaacaraca na tiuquinitianura pajaniya nocua, puetunu tari maniniushitishano-janaa pa quishacari, shanohua na cumaaca pa shootianura pueyaracaanu. Pa niquishacari nojuaja, paari jiyanhua na timitianutaniyani.

²⁵iJiyanhua maniniaari pa Que Pueyasos! Nojuajaari niishijiajanaa. Pa jiyatequiaari na muerasuraari pa Jiyaniijia Jesucristo cusonuucua pocuara. iJiyanhua shanohua na cumaaca! iNojuajaari Jiyaniijiajanaa! iJiyanhua maninia pa Jiitiana! iNojuajaari puetunu cumaacaracajanaa cutara! iNojuacuajaari pa Que Pueyasos! Jiya shipinishaacarijiyo-jua, nojuajaari quijiajuhanaj. Naa quiyajaari. Naa quiniutianiya pueyaracaanuuri. Taaquiririni, naacuaaquinatejaj.